

6. gr. 134  
 Ráðuneytið veitir undanþágur frá ákvæðum 1.—5. greinar, ef sérstakar ástæður eru fyrir hendi. 27. júlí

7. gr.  
 Brot gegn fyrimælum 1.—5. greinar varða skipstjóra eða flugfarstjóra sektum, allt að 10000.00 kr.

Ef skip tekur fyrstu höfn eða flugfar fyrstu landing á öðrum stöðum en þeim, sem heimilt er samkvæmt 1.—4. gr., eru samgöngur við það óheimilar, og skal tollyfirvald vísa því tafarlaust til einhvers þess staðar, sem það má fá fyrstu afgreiðslu á, nema það sé í nauðum statt.

8. gr.  
 Reglugerð þessi er sett samkvæmt 7. gr. laga nr. 63 31. des. 1937, um tollheimtu og tollaftirlit, sbr. lög nr. 12 5. maí 1941, um breyting á þeim lögum.

Með reglugerð þessari er numin úr gildi reglugerð nr. 167 9. október 1940, um skyldu skipa og flugfara til að koma á tiltekna hafnir eða hafnarstaði til þess að fá fyrstu og síðustu afgreiðslu hér á landi, og undanþágur, sem frá henni hafa verið gefnar.

9. gr.  
 Reglugerð þessi öðlast þegar gildi.

*Fjármálaráðuneytið, 27. júlí 1945.*

**Pétur Magnússon.**

*Magnús Gíslason.*

Staðfesting forsetans á skipulagsskrá fyrir „Styrktar- og menningarsjóð starfsmanna H.f. Egill Vilhjálms­son“, útgefin á venjulegan hátt að mandatum af dómsmálaráðherra 24. júlí 1945. 135  
24. júlí

Skipulagsskráin er þannig:

## SKIPULAGSSKRÁ

fyrir Styrktar- og menningarsjóð starfsmanna H.f. Egill Vilhjálms­son.

1. gr.  
 Sjóðurinn heitir Styrktar- og menningarsjóður starfsmanna H.f. Egill Vilhjálms­son.

2. gr.  
 Sjóðurinn er stofnaður með 10000 króna framlagi frá H.f. Egill Vilhjálms­son.

3. gr.  
 Sjóðurinn er eign starfsmanna H.f. Egill Vilhjálms­son og með sérstöku reikningshaldi. Reikningsár sjóðsins er almanaksárið.

4. gr.  
 Sjóðfélagar geta allir fastráðnir starfsmenn H.f. Egill Vilhjálms­son orðið, ef þeir óska þess.

135

24. júlí

Sjóðinn má auka með hvers konar tillögum, en fastatekjur hans skulu vera 25 kr. árstillag frá hverjum sjóðfélagi og skal haldið eftir við útborgun launa á tímabilinu janúar—marz ár hvert, enn fremur skal firmað H.f. Egill Vilhjálmsson á sama tíma ár hvert greiða til sjóðsins tvöfalda þá upphæð, er sjóðfélagar leggja til. Sjóðfélagar eiga ekki kröfu á endurgreiðslu tillaga til sjóðsins, þó að þeir hætti að vera félagar.

## 6. gr.

Tilgangur félagsins er að styrkja þá sjóðfélaga, sem verða fyrir fjárhagsörðugleikum vegna langvarandi veikinda eða slysa. Nú deyr sjóðfélagi, er þá heimilt að styrkja aðstandendur hins látna vegna útfararkostnaðar, ef þurfa þykir, enda liggja til grundvallar tillögur styrkveitinganefndar.

## 7. gr.

Styrkja má sjóðfélaga, ef sérstök báginði steðja að honum, önnur en um getur í 6. gr. Til þess að slík styrkveiting fari fram, verður hún að hafa hlotið samþykki sameiginlegs fundar sjóðstjórnar og styrkveitinganefndar.

## 8. gr.

Eigi má veita styrk úr sjóðnum fyrir en höfuðstóll hans er orðinn 25000 krónur, og aldrei má veita svo styrk úr honum, að höfuðstóllinn fari niður fyrir þá upphæð. Sé fé fyrir hendi, umfram styrkveitingu, má á aðalfundi veita ákveðna fjárupphæð til almennrar menningarstarfsemi fyrir sjóðfélaga. Að öðrum kosti leggist afgangur við höfuðstólinn ásamt vöxtum og vaxtavöxtum af sjóðnum, enn fremur gjöfum, er sjóðnum kunna að áskotnast. Styrkveitingar fari fram í desember ár hvert eða á öðrum tímum, ef nauðsyn krefur.

## 9. gr.

Breyta má tilgangi sjóðsins síðar þannig, að fé verði einnig veitt úr honum sem eftirlaun. Til þess að slík breyting verði gerð á tilgangi sjóðsins, þarf til samþykki aðalfundar, þar sem mættir eru minnst  $\frac{2}{3}$  sjóðfélaga. Einnig þarf til að koma samþykki forstjóra eða forráðamanna H.f. Egill Vilhjálmsson.

## 10. gr.

Stjórn sjóðsins er svo skipuð, að H.f. Egill Vilhjálmsson skipar einn mann, en aðalfundur skal kjósa tvo. Stjórnin skal kosin til tveggja ára í senn, þannig að einn maður gengur úr á ári hverju, hið fyrsta skipti eftir hlutkesti. Sé félagskjörinn maður, sem úr gengur, skal á aðalfundi kjósa mann í hans stað, en ella skipar hlutfélagið mann í stað fulltrúa síns. Þá skal aðalfundur og kjósa einn varamann til tveggja ára í senn. Stjórnin skal hafa sér til aðstoðar sérstaka styrkveitinganefnd. Skal hún svo skipuð, að hver starfsgrein firmans kys sér einn fulltrúa til eins árs í senn. Skal sjóðstjórninni tilkynnt um fulltrúakösnningar eigi síðar en einum mánuði eftir aðalfund. Styrkveitinganefnd hefur aðeins tillögurétt, ef annað er ekki tekið fram í skipulagsskrá þessari, en verði ágreiningur, skal það borið undir almennan félagsfund.

## 11. gr.

Aðalfundur skal haldinn fyrir lok febrúarmánaðar ár hvert. Þá skulu þessi mál tekin fyrir:

- a. Skýrsla stjórnarinnar.
- b. Endurskoðaðir reikningar sjóðsins lagðir fram.
- c. Lagabreytingar.

- d. Kosning stjórnar, varastjórnar og endurskoðenda.  
e. Önnur mál, er fram kunna að koma.

135

24. júlí

## 12. gr.

Skipulagsskrá þessari verður aðeins breytt á lögmetum aðalfundi, en aðalfundur telst því aðeins löglegur, að til hans hafi verið boðað með viku fyrirvara í starfsdeildum firmans og mættir séu  $\frac{2}{3}$  hlutar félagsmanna. Þó má aldrei breyta að verulegu leyti ákvæðum 6., 7., 8. og 9. greinar skipulagsskrárinnar eða verja fé úr sjóðnum í öðru augnamiði en þar um getur. Verði aðalfundur ólöglegur vegna þess hve fáir mæta, skal boða aftur til fundar á sama hátt, og er sá fundur löglegur án tillits til þess, hve margir mæta. Afl atkvæða ræður á aðalfundi sem öðrum félagsfundum nema til breytinga á skipulagsskrá þessari, þá þarf  $\frac{2}{3}$  hluta greiddra atkvæða.

## 13. gr.

Hætti H.f. Egill Vilhjálmsson að starfa eða sjóðurinn verði lagður niður einhverra hluta vegna, skulu eigur hans renna til einherrar líknarstarfsemi eftir ákvörðun fundar, er boðað verði til um þetta mál. Um þann fund gildi sömu reglur og aðalfundur.

## 14. gr.

Leita skal samþykkis forseta Íslands á skipulagsskrá þessari.

Reykjavík, 20. júlí 1945.

Stjórn Styrktar- og menningarsjóðs starfsmanna H.f. Egill Vilhjálmsson.

**REGLUGERÐ**

136

30. júlí

**um breytingu á reglum um starfrækslu og starfsmenn landssímans.**

Samkvæmt 4. gr. laga nr. 60 12. marz 1945, um laun starfsmanna ríkisins, og 8. gr. laga nr. 8 9. janúar 1935, um stjórn og starfrækslu póst- og símamála, er hér með sett eftirfarandi reglugerð um breytingu á reglum um starfrækslu og starfsmenn landssímans frá 27. febrúar 1935.

## 1. gr.

16. gr. orðist þannig:

Hver starfsmaður, sem innir af hendi sunnudagsvaktir, á rétt til 1 hvíldardags í sömu viku, enda hafi starfsmenn ekki færri en 52 hvíldardaga á ári auk sumarleyfis, þó að meðtöldum þeim helgidögum, sem falla í sumarleyfið. Helgidagavarskrá skal samin fyrir fram fyrir einn mánuð í senn, og helgidagavinnan skiptist sem jafnast niður á starfsmenn.

Hvíldardagur telst sá dagur, að á undan honum og eftir fari næturhvíld. Starfsmaður, sem vegna veikinda getur ekki innt af hendi sunnudagsvakt, á ekki rétt til aukahvíldardags, og eins fellur aukahvíldardagur hans niður, ef hann er veikur þann dag.

Ef starfsmaður, sem vinna á á helgidagsverði, er veikur eða fjarverandi, skal sá af starfsmönnum, er stöðvarstjóri eða varðstjóri ákveður, vinna aukavinnu í hans stað (sbr. 19. gr.).

## 2. gr.

19. gr. orðist þannig:

Vikulegur meðal-vinnutími skal vera sem hér segir:

- a. 48 klst., þegar unnið er á sama tíma daglega og aðeins á virkum dögum, og